



Broj: 03-16-8-1184-7/15
Sarajevo, 3.11.2015.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj: 03-16-8-1184-6/15 od 26.10.2015. u postupku javne nabavke autoguma za službena vozila Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donio je

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1184-6/15 od 26.10.2015. i Ugovor za nabavku autoguma za službena vozila Parlamentarne skupštine BiH dodjeljuje se ponuđaču Unitrade do.o.o Ljubuški, za ponudenu cijenu od 13.532,98 KM sa PDV-om, koji je dostavio jedinu prihvatljivu ponudu.

II.

(1) Izabrani ponuđač dužan je dostaviti dokaz o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnije ponude, a prema tački 3.7. tenderske dokumentacije za nabavku autoguma za službena vozila Parlamentarne skupštine Bosne i Hercegovine.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljiv dokaz, Odluka o izboru najpovoljnijeg ponuđača će se poništiti.

III.

Prijedlog Ugovora o nabavci dostavit će se na potpis izabranom ponuđaču po isteku roka od pet dana, računajući od dana kada su svi ponuđači obavješteni o izboru najpovoljnije ponude pod uslovom da žalba nije uložena i nakon prethodno pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupu javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o nabavci autoguma za službena vozila Parlamentarne skupštine Bosne i Hercegovine, broj: 03-16-8-1184/15 od 11.9.2015. Javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke iznosi 20.000,00 KM sa uračunatim PDV-om. Obavještenje o nabavci broj: 166-7-1-8-3-3/15 je objavljeno 9.10.2015.godine na Portalu javnih nabavki, a istovremeno je upućen zahtjev na adrese osam ponuđača i to: Unitrade d.o.o. Ljubuški, Guma M d.o.o. Mostar, Djem- trans d.o.o. Sarajevo, Volan d.o.o. Tuzla, Sava trgovina d.o.o.

Sarajevo, Tamek-son company d.o.o. Sarajevo, Automerc škoro d.o.o. Sarajevo i Koreks servis Istočno Sarajevo. Komisija za nabavke imenovana je Odlukom Kolegija Sekretarijata broj: 03-34-1-1157/15 od 3.9.2015.godine.

Do termina zakazanog za predaju ponuda za ovu nabavku pristigle su dvije ponude i to:

1. Unitrade d.o.o. Ljubuški
2. Guma M d.o.o. Mostar

Komisija za nabavke je izvršila javno otvaranje ponuda i evaluaciju istih o čemu je sastavljen Zapisnik o pregledu i ocjeni ponuda, broj: 03-16-8-1184-6/15 od 26.10.2015. sa preporukom o izboru najpovoljnijeg ponuđača. Zapisnikom je konstatovano da ponuda firme Guma M d.o.o. Mostar nije prihvatljiva za ugovorni organ zbog neispunjavanja uslova kvalifikacije u pogledu tehničke i profesionalne sposobnosti na način definisan tenderskom dokumentacijom, a obrazloženje razloga neprihvatljivosti prikazano u dijelu tabele u tački 15. navedenog Zapisnika. U nastavku je konstatovano da je ponuda firme Unitrade d.o.o. Ljubuški prihvatljiva, jer ispunjava sve formalno pravne, ekonomske i tehničke uslove, odnosno zahtjeve ugovornog organa definisane tenderskom dokumentacijom.

Zbog činjenice da za ovu nabavku postoji samo jedna prihvatljiva ponuda, nije bilo potrebe da Komisija vrši vrednovanje ponude po kriteriju najniže cijene.

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1184-6/15 od 26.10.2015. u prilogu), da u postupku nabavke autoguma za službena vozila Parlamentarne skupštine BiH donese Odluku o izboru najpovoljnijeg ponuđača za Unitrade d.o.o. Ljubuški, čija cijena ponude iznosi 13.532,98 KM (slovima: trinaest hiljad pet stotina trideset dva i 98/100) sa uračunatim PDV-om.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da ponuđača Unitrade d.o.o Ljubuški izabere za realizaciju Javne nabavke autoguma za službena vozila Parlamentarne skupštine Bosne i Hercegovine, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata, najkasnije u roku od pet dana od dana prijema ove odluke.

Dostavljeno:

- Unitrade d.o.o. Ljubuški
- Guma M d.o.o. Mostar
- Sektoru za finansije
- sekretaru Komisije za nabavke Muhamedi Humačkić
- a/a

KOLEGIJ SEKRETARIJATA:

Aida Koristović _____

Bojan Ninković _____

Marin Vukoja _____